

RUDNIK SOLI "TUZLA" D.D TUZLA

POLITIKA PRIVATNOSTI



U Tuzli, novembar, 2025. godine

Uvodne informacije

Politika obrade i zaštite ličnih podataka (u daljnjem tekstu: Politika) je temeljni akt koji opisuje svrhu i ciljeve prikupljanja, obrade i upravljanja ličnim podacima od strane privrednog društva Rudnik soli "TUZLA" d.d. Tuzla (u daljnjem tekstu: Rudnik soli Tuzla).

Cilj Politike je uspostaviti odgovarajuće procese zaštite i upravljanja ličnim podacima nosioca ličnih podataka, odnosno korisnika usluga, radnika i drugih osoba čiji se lični podaci obrađuju, u skladu sa GDPR uredbom (EU) 2016/679 Evropskog parlamenta i Vijeća od 27.04.2016. (u daljnjem tekstu: Uredba), Zakonom o zaštiti ličnih podataka BiH (u daljem tekstu: Zakon) i internim aktima Rudnika soli Tuzla.

Rudnik soli Tuzla je prepoznao važnost zaštite privatnosti, sigurnosti i zaštite podataka svih pojedinaca koji se pojavljuju kao učesnici u svim našim poslovnim procesima. Rudnik soli Tuzla putem ove Politike izražava spremnost na poštivanje Uredbe i Zakona.

Pojedinci kao učesnici procesa na koje se Politika odnosi su:

- sadašnji radnici Rudnika soli Tuzla,
- članovi porodica sadašnjih radnika Rudnika soli Tuzla,
- bivši radnici Rudnika soli Tuzla,
- članovi porodica bivših radnika Rudnika soli Tuzla,
- potencijalni novi radnici (kandidati za posao),
- ostala fizička lica koje dijele svoje privatne podatke po različitim osnovama angažiranja od strane i u ime Rudnika soli Tuzla.

Voditelj obrade

Ova politika se primjenjuje na sve lične podatke prikupljene i pohranjene od strane Rudnika soli "TUZLA" d.d. Tuzla, Tušanj 66, 75 000 Tuzla.

Kao voditelj obrade, Rudnik soli Tuzla je odgovoran za obradu i pohranu vaših ličnih podataka.

U slučaju da imate bilo kakvih pitanja u vezi sa korištenjem ove politike ili u vezi sa ostvarivanjem svojih prava koja proizilaze iz ove politike, a koja su navedena u nastavku, kontaktirajte nas na neki od sljedećih kontakt podataka:

- **Rudnik soli "TUZLA" d.d. Tuzla**

Tušanj broj 66, 75000 Tuzla

Bosna i Hercegovina

info@rudniksoli.ba

Telefon: +387 35 321 450

Fax: +387 35 281 652

Osnovni pojmovi

U ovome poglavlju možete naći objašnjenja za osnovne pojmove koji se nalaze u Politici zaštite podataka.

- Lični podaci podrazumjevaju sve podatke po kojima se pojedinac može identificirati (ime, prezime, telefonski broj, matični broj, e-mail adresa itd.);
- Voditelj obrade – subjekt koji utvrđuje svrhu, uslove i način obrade ličnih podataka;
- Izvršitelj obrade – subjekt koji provodi obradu podataka u ime voditelja obrade;
- Agencija za zaštitu ličnih podataka – državna agencija čiji je zadatak da štiti podatke i privatnost, nadgleda procese primjene Zakona, te aktivno provodi Zakon o zaštiti ličnih podataka;
- Službenik za zaštitu ličnih podataka – uposlenik Rudnika soli Tuzla zadužen za zaštitu ličnih podataka koji samostalno djeluje kako bi osigurao da poslovni entitet djeluje u skladu sa politikom i procedurama koje su postavljene na temelju Zakona;
- Obrada ličnih podataka – bilo koja akcija koja se provodi nad ličnim podacima, automatski ili ne, koja uključuje prikupljanje, upotrebu, izradu izvještaja za zapise i slično.

Svrha prikupljanja ličnih/osobnih podataka

Kako bi Rudnik soli Tuzla bio u mogućnosti pružiti svoje usluge nosiocu ličnih podataka, krajnjim korisnicima te trećim licima sa kojim ulazi u bilo koju vrstu poslovnog ili obligacionog odnosa (u daljem tekstu: nosilac ličnih podataka), nužno obrađuje njihove lične podatke koji su potrebni za kvalitetno pružanje usluga. U suprotnom, odnosno ukoliko nosilac ličnih podataka, krajnji korisnik, te treća lica sa kojim Rudnik soli Tuzla ulazi u bilo koju vrstu poslovnog ili obligacionog odnosa odbije ustupiti takve lične podatke, Rudnik soli Tuzla neće biti u mogućnosti pružiti mu uslugu.

Lične podatke pojedinaca prikupljamo zbog različitih zakonskih obaveza – podatke prikupljamo i šaljemo putem različitih papirnatih i digitalnih obrazaca u različite institucije Državne, Federalne i Kantonalne uprave u cilju prijave, objave ili promjene statusa i prava radnika, istražnih radnji i sudskih procesa te ostalih na zakonu zasnovanim aktivnostima.

Načela obrade podataka

Prilikom obrade ličnih podataka Rudnik soli Tuzla se pridržava sljedećih osnovnih načela:

- Zakonitost, poštenje i transparentnost – Rudnik soli Tuzla će obrađivati lične podatke nosioca ličnih podataka u skladu sa važećim propisima i obuhvaćajući sva prava nosioca ličnih podataka, te će prema Uredbi, Zakonu i internim aktima Rudnik soli Tuzla pružati nosiocima ličnih podataka sve potrebne informacije o tome koji se lični podaci koji se odnose na njih prikupljaju, upotrebljavaju, daju na uvid ili na drugi način

obrađuju. Na zahtjev osigurati nosiocima ličnih podataka uvid u njihove podatke, obrazloženje obrade, temelja i zakonitosti obrade. Nosioc ličnih podataka će biti pravovremeno, odnosno prije samog prikupljanja ličnih podataka, upoznat sa svim relevantnim informacijama.

- Ograničenje svrhe – lični podaci moraju biti prikupljeni u posebne, izričite i zakonite svrhe te se dalje ne smiju obrađivati na način koji nije u skladu s tim svrhama.
- Smanjenje količine podataka – Rudnik soli Tuzla prikuplja i obrađuje lične podatke na način da su ti podaci primjereni, relevantni i ograničeni na ono što je nužno u odnosu na svrhe u koje se obrađuju. Svaka organizaciona jedinica unutar Rudnik soli Tuzla osigurava da se ovo načelo adekvatno primjenjuje.
- Tačnost i ažurnost – Rudnik soli Tuzla osigurava da su podaci tačni te će poduzeti sve razumne mjere radi osiguravanja da se lični podaci koji nisu tačni, uzimajući u obzir svrhe u koje se obrađuju, bez odlaganja izbrišu ili isprave. U tu svrhu nosioci ličnih podataka koji su u poslovnom odnosno ugovornom odnosu s Rudnikom soli Tuzla imaju pravo i obavezu ažuriranja svojih ličnih podataka.
- Ograničenje čuvanja – lični podaci nosioca čuvaju se u obliku koji omogućuje identifikaciju nosioca ličnog podatka samo onoliko dugo koliko je potrebno u svrhu radi kojih se lični podaci obrađuju, a dalje ukoliko za to postoji legitimni interes (npr. ukoliko služe kao dokaz u sudskom ili istražnom postupku)
- Cjelovitost i povjerljivost – Rudnik soli Tuzla prikuplja i obrađuje podatke na način kojim se osigurava odgovarajuća sigurnost ličnih podataka, uključujući zaštitu od neovlaštene ili nezakonite obrade te od slučajnog gubitka, uništenja ili oštećenja primjenom odgovarajućih tehničkih ili organizacijskih mjera. Provođenje ovog načela osigurava implementacijom sistema koji ima za cilj ograničenje pristupa podacima, detekciju i zaštitu od curenja podataka, metodama nadzora nad pristupom podataka i sl.

Svaka organizacijska jedinica Rudnika soli Tuzla kao i izvršitelj obrade dužna je osigurati pridržavanje gore navedenih načela prilikom obrade ličnih podataka za koje je nadležna.

U skladu sa navedenim načelima, radnici Rudnik soli Tuzla će pristupati ličnim podacima nosioca ovisno o njihovim ovlaštenjima, a kako bi uspješno obavili poslove vezane uz pojedina radna mjesta.

Rudnik soli Tuzla će podatke nosioca ličnih podataka proslijediti drugim pravnim osobama i državnim institucijama u slučaju kad za to postoji zakonska osnova.

Prava nosioca ličnih podataka

Rudnik soli Tuzla će nosiocu ličnih podataka u trenutku prikupljanja ličnih podataka pružiti informacije o:

- identitetu i kontaktnim podacima Rudnik soli Tuzla kao voditelja obrade,
- kontaktnim podacima službenika za zaštitu podataka,
- svrhama obrade radi kojih se prikupljaju lični podaci te pravnu osnovu za obradu,
- legitimnim interesima Rudnika soli Tuzla,

- primateljima ili kategorijama primatelja ličnih podataka, ako takvih primatelja ima,
- namjeri prijenosa ličnih podataka trećim zemljama, ako takva namjera postoji,
- period čuvanja podataka,
- pravu nosioca ličnih podataka na pristup ličnim podacima, ograničenju obrade i brisanje podataka,
- pravu na podnošenje prigovora Agenciji za zaštitu ličnih/osobnih podataka BiH.

Nosilac ličnih podataka uživa prava na osnovu Uredbe, Zakona i ove Politike, a radi se o slijedećim pravima:

Pravo na pristup podacima – nosilac ličnih podataka ima pravo dobiti od Rudnika soli Tuzla potvrdu obrađuju li se njegovi lični podaci te ako se takvi lični podaci obrađuju, pristup ličnim podacima i informacije o svrhi obrade, kategorijama podataka, potencijalnim primateljima kojima će lični podaci biti otkriveni, postojanju prava da zatraži ispravak, brisanje ili ograničenje obrade ličnih podataka te prava na ulaganje pritužbe nadzornom tijelu.

Pravo na ispravak – nosilac ličnog podatka ima pravo bez nepotrebnog odgađanja zatražiti od Rudnika soli Tuzla ispravak netačnih ličnih podataka koji se na njega odnose. Uzimajući u obzir svrhu obrade, nosilac ličnog podatka ima pravo dopuniti nepotpune lične podatke, među ostalim i davanjem dodatne izjave.

Pravo na brisanje – nosilac ličnog podatka ima pravo od Rudnika soli Tuzla zatražiti brisanje ličnih podataka koji se na njega odnose.

Pravo na ograničenje obrade – nosilac ličnog podatka ima pravo tražiti i dobiti ograničenje.

Pravo na prigovor – nosilac ličnog podatka ima pravo na osnovu svoje posebne situacije u svakom trenutku uložiti prigovor na obradu ličnih podataka koji se odnose na njega. Rudnik soli Tuzla će nosiocu ličnog podatka na njegov zahtjev pružiti informacije o preduzetim radnjama vezanima uz navedena prava u roku od 30 dana od dana zaprimanja urednog zahtjeva. Iznimno, Rudnik soli Tuzla može iz opravdanih razloga produžiti rok za odgovor o čemu će obavijestiti nosioca ličnog podatka. Informacije se pružaju u pisanom obliku ili drugim sredstvima, ako je prikladno i elektronskim putem. Ako to zatraži nosilac ličnog podatka, informacije će se pružiti i usmenim putem, pod uslovom da je drugim sredstvima utvrđen identitet nosioca ličnog podatka. U slučaju da Rudnik soli Tuzla ne postupi po zahtjevu, obavijestit će nosioca ličnog podatka o razlozima i o mogućnosti podnošenja pritužbe nadzornom tijelu.

Koliko dugo čuvamo podatke

Vaši lični podaci se čuvaju u skladu s važećim zakonima i samo toliko dugo koliko je potrebno za postizanje svrhe za koju se podaci obrađuju, ili za razdoblje propisanog zakonom, ili za razdoblje potrebno za izvršenje ugovora. Podaci prikupljeni na temelju pristanka bit će izbrisani i prije Vašeg otkazivanja, u slučaju da je svrha za koju su

prikupljeni podaci postignuta. Lični podaci za koje je razdoblje zadržavanja isteklo (npr. ako je postignuta svrha za koju su prikupljeni, jer je istekao zakonski rok, itd) bit će izbrisani, uništeni ili anonimizirani na način da obnova osobnih podataka više nije moguća. Podaci se čuvaju u različitim vremenskim periodima zavisno od svrhe za koju se prikupljaju.

Politika kolačića (Cookies)

Kolačići su male tekstualne datoteke koje većina web stranica pohranjuje na uređajima kojima korisnici pristupaju internetu kako bi prepoznali pojedinačne uređaje koje korisnici koriste tokom pristupa. Njihova pohrana je pod potpunom kontrolom preglednika korisnika – koji pohranjivanje kolačića može po želji omogućiti ili onemogućiti. Kolačići nisu štetni i uvijek su vremenski ograničeni.

Internet stranica Rudnika soli "TUZLA" d.d. Tuzla (www.rudniksoli.ba) sakuplja dvije vrste kolačića (Cookies).

- Obavezne kolačiće (Cookies) radi ostvarivanja zadatka nesmetanog rada web stranice
- Statističke kolačiće (Cookies) kojima dozvoljavate praćenje statistike posjeta internet stranice, a vaši podaci (adresa internet protokola, identifikatori kolačića) upotrebljavaju se za podešavanje oglasa prilikom ponovnog posjeta stranici.

Server na kojem se nalazi ova internet stranica zaštićen je sa svim vrstama zaštite kako bi se obezbjedila privatnost i sigurnost podataka. Onemogućavanjem kolačića odlučujete hoćete li dopustiti pohranjivanje kolačića na vašem računaru. Postavke kolačića mogu se kontrolisati i konfigurirati u vašem internet browseru. Onemogućavanjem kolačića, postoji mogućnost da nećete moći koristiti neke od funkcionalnosti naše internet stranice.

Broj: 02-02/25- 4098
U Tuzli, dana 13.11.2025. godine
14-11-2025

M.P.

ZA UPRAVU
DIREKTOR

Nermin Baluković, dipl.ing.rud.

Dostaviti:
1x Uprava
1x web stranica (Almir M.)
1x spis
1x a/a